

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Abelly, Louis

Coloniæ Agrippinæ, 1658

III. An Angeli sint omnino incorporei.

urn:nbn:de:hbz:466:1-38954

Melius
in o-
à rela-
ateran.
es cre-
corpo-
carcere
contra-
hoc est
dem &
on ab o-

iptura,
ia sunt
elos in
ioribus
.4. exi-
am do-
r. & fe-
.ex eo,
pop. 12
eli ei-
eli eius
is in ca-
ra) An-
, ynde
oduce

nunitel
auis su-
, quis
ere do-
erunt,

euerunt, vt S. Basil. hom. 2. in Hexaëmer. S. Ioan. Da-
masc. Lib. 2. de fide cap. 6. S. Ambr. Lib. 2. Hexaëmer. cap.
3. Beda suprà, S. Thom. i. p. q. 66. a. 3. & communiter o-
mnes hodie Doctores docent, ideo valde temerarium
videretur, illius cœli empyrei existentiam negare.

SECTIO III.

An Angel: sint omnino incorporei.

Sensus quæstionis est, an Angeli sint substantiæ puræ
sac simpliciter spiritales? an vero in sua entitate aliquid
incorporeum & materiale habeant?

S. Aug. Lib. 8. de Ciuit. cap. 14. & 15. refert Platonicos
existimasse, Angelos corpora valde subtilia naturaliter
sibi unita habere; ita etiam sensit Origenes Lib. 2. Periar-
chon 2. Tertul. Lib. de carne Christi, & aliqui alii veteres,
qui quidem Angelis corpora non eiusdem rationis tri-
bununt, nam alijs cœlestia, alijs ignea, alijs aerea inesse
conscebant.

Vera nihilominus sententia, qua, ut certa tenenda est,
asserit, Angelos esse omnino corporis expertes, atque ad-
eo esse creaturas pure & simpliciter spiritales ac intelle-
ctuales. Ita S. Thomas quæst. 50. art. 1.

Probatur 1. ex ijs scripturæ locis, in quibus Angelii vo-
cantur spiritus; ad Hebr. 1. Omnes sunt administratori spi-
ritus: Apoc. 1. fit mentio septem spirituum, qui in con-
spectu throni Dei sunt; & in Euangeliis communi-
ter dæmones vocantur immundi spiritus: nomen
autem spiritus in scripturis, cum substantia intelligentiæ
tribuitur, non nisi rem incorpoream significare solet, quo
seniu S. Ioan. cap. 4. dicitur: *Spiritu: est Deus.*

Probatur 2. ex verbis Conc. Lateran. supra citatis, qui-
bus Angelii significantur nomine creature spiritualis,
prout opponitur corporali.

Probatur 3. ex SS. Patribus. S. Ignatius in epist.
ad Tral. Angelos vocat *incorporeas naturas*; S. Greg-
orius Nyssen.

Nyssenus Lib. 12. contra Eunomium, incorporeas creaturas
 S. Greg. Naz. orat. 24. intelligibiles & incorporeas substantias;
 S. Dionys. de diuin. nom. cap. 4. incorporeales, intelligibiles,
 spiritualesque substantias; omni materia carentes; S. Ioan.
 Damasc. Lib. 2. de fide c. 3. substantias intelligentes, materia
 eis corporu expertes.

Probatur 4. hanc ratione, quâ vtitur S. Thomas suprà;
 quia scilicet vniuersi perfectio requirit, ut in omni gene-
 re, in quo est aliquid imperfectum, sit etiam aliquid
 perfectum; ergo in genere rerum purè spiritualium, cum
 animæ nostræ sint aliquo modo imperfectæ, ut potest sub-
 stantia incompleta, quæ corporibus vñiri naturaliter ex-
 igant, conuenit esse alias substantias compleras purè
 spirituales, & à corporibus omnino independentes.

Obijcies in septima Synodo gener. actione 5. recitari
 & approbari librum Ioannis Episcopi Thessalonicensis,
 in quo dicitur Angelos esse tenui & aëreo corpore prædi-
 tos. Resp. hoc Conc. congregatum fuisse contra Iconocla-
 stas, in eoque quæstum fuisse non de natura Angelorum,
 an corporei essent vel purè spirituales, sed an imagines
 sanctorum & Angelorum recte in Ecclesia pingi possent;
 vnde ibi approbatum est à Patribus Conc. non quod
 scriperat ille Ioannes de corporibus Angelorum, sed
 quod ex eius verbi intrulerat Tarasius Patriarcha, scilicet
 Angelos specie corporali pingi posse, cum in tali specie
 aliquando apparuerint.

Porrò quamuis (ut docet S. Thom. quæst. 16. de malo
 a. 1.) hæc intentia, quæ affirmat Angelos esse substantias
 purè spirituales, talis non sit, ut opposita censeri debeat
 hæretica; etenim Lateran. Conc. suprà citatum hanc
 quæstionem ex instituto non definiuit (ut obseruat S.
 Doctor) sed hoc unum intendit, ut vtriusque naturæ eâ-
 dem ratione conditorem Deum contra Origenistas & Ma-
 nichæos assereret; est tamen adeò certa, ut contrarium
 asserere sit valde temerarium, ut pote communi omnium
 Doctorum sensui repugnans.

Quare, quid de apparitionibus Angelorum in forma
 corporis

corpora existimandum sit? Aliqui dixerunt (ut refert S. Thom. q. 51. a. 2.) omnes illas Angelorum apparitiones, quæ in Scriptura memorantur, contigisse tantum secundum imaginationem, nec Angelos vñquam corpora vlla, in quibus apparerent, assumpſisse. Nihilominus pro certo tenendum est id, quod docet S. Aug. Lib. 15. de Ciuit. cap. 23. Apparuisse hominibus Angelos in talibus corporibus, que non solum videri, verum etiam tangi possent; ibidem que dicit, id in scripturis tam aperte assent, totque experientijs esse confirmatum, ut hoc negare, impudentia esse videatur.

Cum igitur hoc certum sit, dubium est, quâ ratione Angeli corpora illa assumant, in quibus se præbeant visibiles. Tertul. lib. de carne Christi lentre videtur ita corpus ab Angelo assump̄i, sicut assumptum fuit corpus humanum à verbo diuino: sed illius opinio communiter ab omnibus tanquam absurdâ reiicitur, sicut & alia, qua est Aureoli afferentis Angelum vñiri corpori sicut formam materiæ; impossibile est enim, ut id: quod est ex se substantia completa, alterius substantiæ compositionem per modum formæ ingrediatur.

Vera igitur sententia, qua est communis Theologorum, assent Angelum corpus assumere, ipsique vñiri tanquam motorem mobili; quod quidem corpus non ex nihilo, vt falsò dixit Tertul. suprà, sed ex aere circumstante format, illum ita condensando & temperando, quantum necesse est ad suscipiendos varios colores & figuræ, sicut patet in nubibus, ita vt aptus sit ad corporis assumendi formationem.

Ex dictis colliges, Angelos, cùm sint substantiæ pure spirituales, esse etiam naturâ suâ incorruptibiles & immortales; ita vt, quamvis possint à Deo annihilari, cùm eorum existentia a Deo eam liberè conservante pendeat, nullâ tamen vi vlli agentis creati possint destrui & annihilari; cùm nullâ materiâ constent, qua est principium corruptionis, nihilque in se habeant, aut extra se recipere possint, quod eorum substantiam pure spiritalem corrumpere aut destruere possit. Huic veritati, qua in

sexta Synodo gener. actione 11. in Epist. Sophronij approbata est, subscribunt communiter SS. Patres; S. Dionys. 4. de diuin. nom. S. Aug. Lib. 12. de Ciuit. cap. 15. S. Damasc. Lib. 2. de fide cap. 3. Et certè si Conc. Lateran. sub Leon. 10. Sess. 8. definiuit animam rationalem, quia pure spiritualis est, esse immortalem & incorruptibilem; a fortiori idem de Angelis sentiendum est, cùm sint natura & conditionis longe perfectioris, quam sit ipsa anima rationalis.

SECTIO IV.

Quid de loco, & motu Angelorum sentiendum sit.

Dicendum 1. certum esse, Angelos verè esse in loco quoconque modo in illo sint; & ita esse in uno loco, ut simul alibi & multò minus ubique esse dici non possint. Ita S. Thomas q. 52. & manifestè constat ex varijs scripturae locis, in quibus Angelii dicuntur esse aut non esse alicubi: S. Marth. 18. *Angeli eorum in celo semper vident faciem Patris mei*: Apoc. 12. de Angelis malis dicitur, quod locus eorum non est amplius invenitus in celo.

Est autem obleruandum cum S. Doctore q. 52. a. 1. Angelos non esse in loco ad instar corporum, quorum partes partibus loci correspondent, quod Theologi vocant esse in loco circumscripti; sed alio modo, qui substantiarum spiritualium proprius est, quem vocant esse in loco definitiū, hoc est ita esse in certo spatio loci aliquius, ut simul extra illud naturaliter esse non possit; quod rectè explicat S. Damasc. Lib. 2. de fide orthodoxa cap. 3. his verbis: *Cum autem intelligentiae sint, etiam intelligibilibus in locis sint, non corporum more circumscripti. Non enim ut corpora secundum naturam figurantur, neque triplici dimensione constant: sed eo ipso sunt in loco, quod intelligibiliter praesentes sint, & agant, ubicunque esse iussi sint, nec possint eodem momento simul huc esse, & illuc, & agere.*

Quod